



Broj: 16-12-16-1938-9/21  
I. Sarajevo, 30.03.2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-1938/21 od 22.03.2021. godine, u postupku javne nabavke ubrusa i toalet papira za potrebe Državne agencije za istrage i zaštitu, direktor Državne agencije za istrage i zaštitu,  
d o n o s i

## ODLUKU

o izboru najpovoljnijeg ponuđača u konkurentskom zahtjevu za javnu nabavku ubrusa i toalet papira za potrebe Državne agencije za istrage i zaštitu

### Član 1.

Prihvata se preporuka Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-1938/21 od 22.03.2021. godine i Okvirni sporazum za period od tri godine za nabavku ubrusa i toalet papira za potrebe Državne agencije za istrage i zaštitu dodjeljuje se ponuđaču „DEFTER” d.o.o. Sarajevo, za ponudenu cijenu od 44.160,00 KM bez uračunatog PDV-a.

### Član 2.

(1) Ponuđač „DEFTER” d.o.o. Sarajevo obavezan je ugovornom organu dostaviti dokaz o ispunjavanju uslova iz tačke 3.1.1. i tačke 3.1.3. Konkurentskog zahtjeva.

(2) Dokaze iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

### Član 4.

Za izvršenje ove odluke zadužuje se Sektor za materijalno-finansijske poslove, Državne agencije za istrage i zaštitu.

## Član 5.

Ova odluka stupa na snagu danom donošenja.

### O b r a z l o ž e n j e

Odlukom direktora Agencije broj 16-12-16-1938-1/21 od 24.02.2021. godine, pokrenut je postupak javne nabavke ubrusa i toalet papira za potrebe Agencije, procijenjene vrijednosti 49.900,00 KM bez uračunatog PDV-a. Novčana sredstva za realizaciju navedene nabavke obezbijedena su u okviru budžetskih sredstava za 2021. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2021. godine („Službeni glasnik BiH“, broj 1/21) i Dokumenta okvirnog budžeta 2021.-2023. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija za provođenje postupka nabavke (u daljem tekstu: Komisija) dostavila je Izvještaj o radu broj 16-12-16-1938/21 od 22.03.2021. godine sa preporukom o izboru najpovoljnijeg ponuđača u postupku javne nabavke ubrusa i toalet papira za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 15.03.2021. godine do 13,00 sati, te da se ponude dostavljaju u zatvorenoj kovrti, Komisija je dana 15.03.2021. godine u 14,00 sati izvršila javno otvaranje ponuda prema datumu i vremenu prijema, numerišući kovrte.

Blagovremeno su dostavljene dvije ponude i to:

Redni broj	Naziv ponuđača	Vrijednost ponude (bez PDV-a)
1.	„ECOTIME“ d.o.o Sarajevo	50.335,76 KM
2.	„DEFTER“ d.o.o. Sarajevo	44.160,00 KM

Komisija je nakon otvaranja ponuda u skladu sa članom 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „DEFTER“ d.o.o. Sarajevo i „ECOTIME“ d.o.o Sarajevo, ispunjavaju kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Takođe, Komisija je utvrdila da ponuđači ispunjavaju i formalno-pravne uslove postavljene u Konkurentskom zahtjevu, konstatujući da ponude podliježu primjeni preferencijalnog tretmana domaćeg.

Budući da je Konkurentskim zahtjevom za postupak javne nabavke ubrusa i toalet papira za potrebe Agencije predviđeno provođenje e-aukcije, a imajući u vidu da su zaprimljene dvije prihvatljive ponude, Komisija je zakazala e-aukciju za dan 19.03.2021. godine sa početkom u 10:00 sati.

Prema Izvještaju o toku i završetku e-aukcije od 19.03.2021. godine, Komisija je sačinila konačnu rang listu ponuđača nakon provedenog postupka e-aukcije, kako slijedi:

Redni broj	Naziv ponuđača	Vrijednost ponude (bez PDV-a)
1.	„DEFTER” d.o.o. Sarajevo	44.160,00 KM
2.	„ECOTIME” d.o.o Sarajevo	50.335,76 KM

Nakon provedenog postupka e-aukcije, shodno Izvještaju o toku i završetku e-aukcije od 19.03.2021. godine, Komisija je utvrdila da za navedeni postupak nije bilo snižavanja cijene ponude, kao i da iste podliježu primjeni preferencijalnog tretmana domaćeg.

Tačkom 8.3. Tenderske dokumentacije navedeno je da će Agencija primjeniti preferencijalni tretman domaćeg u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“, broj 34/20).

Shodno navedenom, prihvaćen je prijedlog Komisije i odlučeno da se Okvirni sporazum u postupku javne nabavke ubrusa i toalet papira za period od tri godine, dodijeli ponuđaču „DEFTER” d.o.o. Sarajevo, kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima;
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

